

Ռ. Ա. ԻՇԽԱՆՅԱՆ

## ՏԱՎԱԼԻ ԱՆՃՇՏՈՒԹՅՈՒՆ ԿԱՐԵՎՈՐ ՀՐԱՏԱՐԱԿՈՒԹՅԱՆ ՄԵՋ

Ակադեմիկոս Ս. Երեմյանի «Հայաստանը ըստ «Աշխարհացոյց»-ի» քարտեզը, կից բացատրությամբ և բնագրով, որ լույս տեսավ 1963-ին, անշուշտ, պատմագիտական-աշխարհագրական կարևոր աշխատություն է: Նպատակ չունենալով տալ տարիների գիտական լուրջ աշխատանքի արդյունք հանդիսացող այդ ուսումնասիրության զնահատականը անհրաժեշտ համարեցինք մեր ուժերի ներածին շափով անդրադառնալ միայն մի հարցի՝ պատմական իրողության անտեսման մի փաստի, որ, ցավոք, տեղ է գտել այդ քարտեզի մեջ:

Ակադեմիկոս Երեմյանը ուսումնասիրելով Մովսես Խորենացուն (ապա նաև Անանիա Շիրակացուն) վերագրվող «Աշխարհացոյց»-ը, այն եզրակացության է եկել, որ «Աշխարհացոյց»-ի մեզ հասած բնագիրը անցյալում գոյություն ունեցող և հետագայում անհետացած քարտեզների նկարագրություն է, այդ քարտեզներին կից բացատրությունը: Ըստ Երեմյանի, գոյություն են ունեցել 15 քարտեզներ իրենց նկարագրություններով. վերջիններից պահպանվել են 10-ը և մեղ հասել «Աշխարհացոյց» անունով: Մեծ Հայքը պատկերողը ընկ. Երեմյանը համարում է կորած քարտեզներից 7-րդը, որը և նա նպատակ է դրել վերակազմել, ինչպես ինքն է գրում, «ժամանակակից քարտեզագրական հիմքի վրա»:

Այլ խոսքով ասած ակադեմիկոս Երեմյանը փորձ է արել փարսեզի վերածելու «Աշխարհացոյց»-ի այն մասը, ուր նկարագրված է Մեծ Հայք երկրամասը: Այստեղից էլ նոր քարտեզի նկատմամբ հիմնական պահանջը՝ լիովին հավատարիմ մնալ վերականգնվող պատմական վավերագրին՝ «Աշխարհացոյց»-ին:

Պետք է ասել, որ «Աշխարհացոյց»-ի մեջ Մեծ Հայքը նկարագրված է բավական որոշակի: Այնտեղ թվարկվում են այն 15 փոքր աշխարհները<sup>1</sup>, որոնք միասին բաղադրել են Մեծ Հայք երկիրը, տրվում են այդ երկրի սահմանները, նրա ֆիզիկական, կենդանաբանական, բուսաբանական աշխարհագրությունը և այլն:

Ըստ ակադեմիկոս Երեմյանի, «Աշխարհացոյց»-ը գրվել է 7-րդ դարի սկզբին կամ 6-րդի վերջին: Այս կարծիքը կարող է ընդունվել շատերի կողմից, կլինեն նաև մերժողներ, բայց ամեն դեպքում անտարակույս է ու անառարկելի. մի հանգամանք, որ անկախ այն բանից, թե ո՞ր դարում կամ ո՞ր թվականին է գրվել «Աշխարհացոյց»-ը, այնտեղ Մեծ Հայքի ընդհանուր նկարագիրը տրված է այնպես, ինչպես այդ երկիրը հասկացվել է «Աշխարհացոյց»-ը գրվելու ժամանակ: Այլ կերպ ասած, անկախ այն բանից, թե երբ է ապրել «Աշխարհացոյց»-ի հեղինակը, նա Մեծ Հայքը տվել է իր ժամանակի ըմբռնումով կամ իր ըմբռնումով, այսինքն՝ Մեծ Հայքի անվան տակ նա նկարագրել է այն երկրամասը, որը իր օրոք, իր կարծիքով այդ անունն էր կրում: Ուրիշ կերպ էլ չէր կարող վարվել մի հեղինակ, որ ժամանակակից աշխարհագրություն էր գրում:

Այս ճշմարտությունը մինչև օրս ինքնըստինքյան հասկանալի է եղել բոլորի համար:

Բայց ահա իր աշխատության ներածության մեջ այս ճշմարտության դեմ շարունակելով՝ ակադեմիկոս Երեմյանը այն ամբողջովին մերժել է իր կազմած քարտեզում: Սակայն նախքան քարտեզին անցնելը ասենք նաև, որ անկախ այն բանից, թե ստույգ ո՞ր դարի ո՞ր կեսում կամ քառորդում է ապրել «Աշխարհացոյց»-ի հեղինակը, անտարակույս է նաև մի այլ հանգամանք, որ ամեն դեպքում նա ապրել է հայկական ինքնուրույն կենտրոնական պետականության կորուստից հետո, պարսից մարգպանության շրջանում: Իսկ այս փաստից էլ բխում է այն պարզ ճշմարտությունը, որ Մեծ Հայքը «Աշխարհացոյց»-ի մեջ կարող էր բերվել որպես զուտ աշխարհագրական-էթնիկական երկրամաս, և ոչ որպես Հայաստան պետություն, փառափառ անկախ միավոր, ու

<sup>1</sup> Որոշ ձևադրերում՝ 16 աշխարհներ:

այն ժամանակներում գոյություն չունեի: Պետք է նկատի ունենալ նաև, որ «Աշխարհացոյց»-ի մեջ Մեծ Հայքը իր 15 փոքր աշխարհներով ներկայացված է այնպես, ինչպես այն ըմբռնվել է մի շարք դարերի ընթացքում և «Աշխարհացոյց»-ը դրվելուց առաջ, և նրանից շատ հետո: Այլ խոսքով ասած, դա, երե կարելի է ասել, Հայաստանն է, նրա հիմնական մասը առհասարակ, աշխարհագրական-էթնիկական առումով, անկախ այն բանից, քե ո՞ր ուարում ֆաղափական ուժերի հաճախակցությունը ինչպիսի վարչական կամ ֆաղափական սահմաններ է անցկացրել այդ երկրի վրայով կամ պետական ինչ միավորներ են եղել այդ հողամասի վրա:

Ահա այս ճշմարտությունն է անտեսված նշված քարտեզում: Քարտեզագիրը հաշվի չի առել «Աշխարհացոյց»-ի մեջ Մեծ Հայքի աշխարհագրական-էթնիկական ըմբռնումը ու բոլորովին նոր ու խորթ իմաստ է տվել նրան և ահա թե ինչպես:

«Աշխարհացոյց»-ում հանգամանորեն նկարագրված Մեծ Հայքը իր 15 աշխարհներով ակադեմիկոս Երեմյանի քարտեզի մեջ առանձնացված է բաց ու մուգ կարմիր գույներից և սև կետագծերից բաղկացած սահմանագծով: Քարտեզի վերևում «Սահմաններ» վերնագրի տակ Մեծ Հայքի այդ սահմանը Երեմյանը բացատրում է այսպես՝ «Մեծ Հայքի՝ մինչև 387 թվականը», որ նշանակում է միայն մի բան, քե «Աշխարհացոյց»-ում նկարագրված Մեծ Հայք երկրամասը իր 15 աշխարհներով Մեծ Հայք է համարվել սոսկ մինչև 387 թվականը: Իսկ քանի որ խոսքը վերաբերում է վերականգնվող մի հին քարտեզի, ապա սա նշանակում է, թե իբր «Աշխարհացոյց»-ի հեղինակը նկարագրել է մի «Մեծ Հայք», որ եղել է ոչ թե իր ժամանակ, այլ մինչև 387 թվակ:

Այդպիսով, ակադեմիկոս Երեմյանը մի կողմից «Աշխարհացոյց»-ի հեղինակին համարում է 7-րդ դարի և ասում, որ՝ ինքը Մեծ Հայքի սահմանները որոշում է ըստ 7-րդ դարի այդ հեղինակի նկարագրության (նույնիսկ վերնագրի մեջ էլ այդ շեշտում է), իսկ մյուս կողմից այդ նույն հեղինակի նշած սահմանները որակում է որպես մինչև 387 թվականի սահմաններ:

Սա ոչ միայն ակնհայտ հակասություն է, այլև պատմական իրողության շատ լուրջ անտեսում:

Ողջ «Աշխարհացոյց»-ում ակնարկ անգամ չկա այն մասին, թե այնտեղ նկարագրված է Մեծ Հայք մինչև այսինչ ժամանակը կամ թվականը: «Աշխարհացոյց»-ի հեղինակը, կրկնում ենք, ուղղակի նկարագրում է իր և ժամանակակիցների ըմբռնմամբ Մեծ Հայքը, նկարագրում է իբրև իր ժամանակ գոյություն ունեցող մի երկիր և նկարագրում է շատ հստակ ու որոշակի: Ահա այդ նկարագրությունը (ըստ կազմողի սգտագործած բնագրի). «Եւ ունի Մեծ Հայք փոքր աշխարհս հեզետասան, որք են այսոքիկ»:

Առաջին աշխարհ Բարձր Հայք, այսինքն՝ Կարնոյ կողմն, երկրորդ աշխարհ՝ Զորրորդ Հայք, այսինքն (Մոփաց կողմն), երրորդ՝ Աղձնիք առ Տիգրիս գետով. չորրորդ՝ Տա(ւ)րուբերան, որ է Տարան. հինգերորդ՝ Մոկք. վեցերորդ աշխարհ՝ Կորճայք, որ առ Ասորեստանեաւ. եաթներորդ աշխարհ՝ Պարսկահայք, որ առ Ատրպատականիւք. ութերորդ աշխարհ՝ Վասպուրական, որ ըստ մտից հիւսիսոյ նորա է. իններորդ աշխարհ՝ Սինիք որ առ Երասխաւ, տասներորդ (աշխարհ)՝ Արցախ, որ յերի նորա կայ. մետասաներորդ աշխարհ՝ Փայտակարան (համանուն) քաղաքով. որ առ եզերքն Կասրից ծովուն, ի մուտս Երասխայ. երկուտասաներորդ աշխարհ՝ Ուտէացուց, որ առ Աղուանիւք եւ Կուր գետով. երեքտասաներորդ աշխարհ՝ Գուգարք՝ որ առ Վոթք. չորեքտասաներորդ աշխարհ՝ Տայք, որ առ Եղերք. հնգտասաներորդ աշխարհ՝ Այրարատ, ի մէջ նոցա»:

Ահա այսպիսի որոշակիությամբ է «Աշխարհացոյց»-ի հեղինակն ասում. թե իր ժամանակ ինչ է հասկացվել Մեծ Հայքի տակ, ինչպիսի 15 փոքր աշխարհների գումարն էր կոչվում այդ անունով: Հեղինակը խոսում է ներկայով («Եւ ունի Մեծ Հայք»), որ նշանակում է, թե որեւէ 387-ի կամ մի այլ անցած ժամկետի հարց չկա, խոսքը հեղինակի ապրած ժամանակին է վերաբերում:

Ակադեմիկոս Երեմյանը բերված այս քաղվածքը համարում է 7-րդ դարում (կամ 6-րդի վերջում) գրված, բայց առանց հիմնավորման Մեծ Հայքի այնտեղ եղած ըմբռնումը համարում է մինչև 387 թվականը գոյություն ունեցած:

2 Պարսից մարդպանության շրջանում, ինչպես հայտնի է, հայկական մարզը, որ պարսից հյուսիսային բուստակի մի հատվածն էր՝ զբաղեցնելով Մեծ Հայքի մի մասը, որոշ ինքնավարություն ուներ: Մեծ Հայքի մյուս մասերը, որ մտցված էին Բյուզանդիայի և պարսից այլ մարզերի մեջ, մեծ մասամբ ունեին իրենց հայ նախարարները և նույնպես օգտվում էին որոշ ինքնավարությունից: Սակայն հայկական պետություն չկար, այն միայն երազանք էր, ձգտում, որ ապրում էր հայրենասերների սրտի մեջ:

3 Ստացվում է այնպես, որ 7-րդ դարի հեղինակը ինչ-որ պատմական-ուսումնական քարտեզ է կազմել իրենից ավելի քան երկու դար առաջ գոյություն ունեցած և իր ժամանակ այլևս գոյություն չունեցող մի պետության համար: Այդպիսի պատմա-քաղաքական քարտեզներ հին աշխարհում չեն գծվել, մի բան, որ ընդունում է նաև պրոֆ. Երեմյանը իր ներածությունում:



Հարց է առաջանում նաև. եթե «Աշխարհացոյց»-ում տրված է Մեծ Հայքը մինչև 387 թվականը, ապա այդ դեպքում ինչպիսի՞ն է եղել այդ նույն Մեծ Հայքը «Աշխարհացոյց»-ի հեղինակի կարծիքով նրա կենդանության օրոք: Այս հարցին ակադեմիկոս Երեմյանը կարծես փորձում է պատասխանել, թեև միայն մասամբ՝ տալով Մեծ Հայքի, իր կարծիքով, 387-ից հետո ստեղծված միայն հյուսիսային սահմանի մի մասը: Ինչ վերաբերում է այդ թվականից հետո Մեծ Հայքի մյուս սահմաններին, ինչպես և հյուսիսային սահմանի մյուս մասի հարցին, ապա այն ակադեմիկոս Երեմյանի կողմից բոլորովին անպատասխան է թողնված. որևէ ձևով ցույց չի տրված, թե, վերջիվերջո, այդ չարաբաստիկ 387-ից հետո «Աշխարհացոյց»-ը Մեծ Հայքի մյուս երեք կողմերի ինչպիսի՞ սահմաններ է նշում: Անհայտ է մնում, բե, ասենք, Աղձնիքը, Սյունիքը, Վասպուրականը կամ թեկուզ Այրարատը ըստ «Աշխարհացոյց»-ի, նրա կազմվելու ժամանակ Մեծ Հայքի մասնի՞ն են համարվել թե՛ ոչ: Ավելին, քանի որ ընկ. Երեմյանը իր քարտեզով ասում է, որ այդ երկրամասերը Մեծ Հայքի մաս են կաղմել միայն մինչև 387 թվականը, ուստի ստացվում է այնպես, որ այդ թվականից հետո նրանք Մեծ Հայքի մեջ չեն մտել: Սա «Աշխարհացոյց»-ի՝ միջնադարյան այդ անզուգական վավերագրի ոգու և տառի լուրջ անտեսում է:

Այժմ տեսնենք, թե ըստ ակադեմիկոս Երեմյանի ինչպիսիք են դարձել Մեծ Հայքի հյուսիսային սահմանները (ավելի ձիշտ, նրանց մի մասը) 387 թվականից հետո: Այստեղ արդեն նորակազմ քարտեզում շատ որոշակի սահմաններ են տրված: Այդ սահմանները գծված են մանուշակագույն և նրանց բացատրությունն է. «Վիրքի և Աղվանքի 387 թվականից հետո»:

Այստեղ նախ հարց է ծագում. ինչու և ճշայաստանը ըստ «Աշխարհացոյց»-ի՝ վերնագրված քարտեզում Մեծ Հայքի հյուսիսային սահմանները կոչվում են «Վիրքի և Աղվանքի 387 թվականից հետո», չէ՞ որ գծվածը Աղվանքի և Վիրքի քարտեզ չէ: Ավելին, ինչպե՞ս է, որ այդպես վերնագրված քարտեզում ներկայացվում են Աղվանքի ու Վիրքի բոլոր նոր սահմանները (387-ից հետո), իսկ Մեծ Հայքի՝ միայն հինը: Մի՞թե նման բան կա «Աշխարհացոյց»-ի մեջ, եվ ստացվել է, որ իբր ըստ «Աշխարհացոյց»-ի Մեծ Հայքը գոյություն է ունեցել սոսկ մինչև 387 թվականը, իսկ Աղվանքն ու Վիրքը այդ թվականից հետո: «Աշխարհացոյց»-ի մեջ նման բանի ակնարկ անգամ չկա:

Արդ, տեսնենք, թե ակադեմիկոս Երեմյանի քարտեզում ինչպիսին է Մեծ Հայքի հյուսիսային սահմանների այն մասը, որը տարօրինակ ձևով կոչվում է «Վիրքի և Աղվանքի 387 թվականից հետո»: Ամենից առաջ աչքի է ընկնում այն, որ այդ սահմանով «Աշխարհացոյց»-ում թվարկված 15 փոքր աշխարհներից երեքը՝ Գուգարքը, Արցախը և Ուտիքը հանված են «Մեծ Հայք» երկրամասից և միացված Վիրքին ու Աղվանքին, որ նշանակում է, թե 387 թ. հետո այդ երկրամասերը այլևս չեն ըմբռնվել որպես «Մեծ Հայք» երկրի բաղկացուցիչ մասեր (մի ուրիշ սահմանագծով էլ Փայտակարանն է հանված Մեծ Հայքից): Ինչպես մյուս սահմանների հարցը, սա նույնպես «Աշխարհացոյց»-ի ոգուն ու տառին լիովին հակառակ մի բան է: «Աշխարհացոյց»-ի վերը բերված հատվածում ավելի քան պարզ է ասված, որ Գուգարքը, Արցախը, Ուտիքը, ինչպես նաև Փայտակարանը «Աշխարհացոյց»-ը գրելու ժամանակ համարվել են ոչ ավել, ոչ պակաս, քան Մեծ Հայքի փոքր աշխարհները, նրա սովորական, մշտական մասերը, մյուս 11 փոքր աշխարհների նման:

Կրկնում ենք «Աշխարհացոյց»-ի բնագրից վերը բերված հատվածի այն մասը, ուր թվարկվում են այս չորս աշխարհները այս սինգամ աշխարհաբար (այնպես ինչպես թարգմանել է ինքը՝ կազմողը). «Մեծ Հայքն ունի տասնհինգ փոքր աշխարհներ, որոնք են. Բարձր Հայք, այսինքն՝ Կարնո երկիրը... տասներորդ (աշխարհ) Արցախ, որ նրան (Սյունիքի) մոտ է գտնվում, տասնմեկերորդ աշխարհ՝ Փայտակարան (համաճում) Բաղաճով, գտնվում է Կասպից ծովի եզերքին, Երասխի գետաբերանին: Տասներկուերորդը Ուտիացվոց աշխարհն է, որ սահմանակից է Աղվանքին և Ուտիքին: Տասներեքերորդ աշխարհն է Գուգարքը, որ սահմանակից է Վիրքին: Տասնչորսերորդ աշխարհն է Տայքը, որ սահմանակից է Եգր աշխարհին...» և այլն: Այսպիսով, «Աշխարհացոյց»-ի հեղինակը ոչ միայն հիշյալ չորս աշխարհները համարում է Մեծ Հայք երկրի անքակտելի մասեր, այլ դեռ հիշեցնում էլ է, որ Գուգարքը սահմանակից է Վիրքին, կամ Վիրքի կողքին է (առ Վրոք), որ Ուտիքը սահմանակից է Աղվանքին (առ Աղուանիք), այն էլ Կուր գետով կամ Աղվանքի կողքին է, իսկ Արցախը դրսի ոչ մի աշխարհի սահմանակից չէ, այլ գրտնջվում է Սյունիքի մոտ (յերի նորա): Վերակազմող քարտեզագրից այստեղ մի բան էր պահանջվում՝ սահմանակից կամ կողքին ըմբռնումը նորակազմ քարտեզում տալ ճիշտ, որով և Մեծ Հայքի մաս կազմող Գուգարքը կլինեի Վիրքին, իսկ Ուտիքը՝ Աղվանքին (ձախավնյա) սոսկ սահմանակից, Արցախն էլ, իբրև Մեծ Հայքի ներքին աշխարհ դրանցից ոչ մեկին սահմանակից չէր լինի և այդ սահմանակցությունն ու ոչ սահմանակցությունը պետք է տրվեր իբրև «Աշխարհա-

ցոյց»-ի ժամանակաշրջանի ըմբռնում, չսահմանափակված որևէ թվականով (387 կամ մի ուրիշ): Բայց ընկ. Երեմյանը այսպես չի վարվել:

Արդ, տեսնենք թե որն է նորակազմ քարտեզի մեջ տեղ գտած թյուրիմացությունների ակունքը: «Աշխարհացոյց»-ում Մեծ Հայքի 15 փոքր աշխարհների թվարկումից հետո առանձին-առանձին նկարագրվում են այդ աշխարհները, և աշխարհներից մի քանիսի նկարագրության մեջ ծանոթություն է տրվում այն մասին, թե «Աշխարհացոյց»-ը կազմելու ժամանակ, այսինքն՝ պարսից տիրապետության օրոք, Մեծ Հայք երկրամասի ո՛ր մասերն են վարչականորեն կցված եղել պարսից այլ մարզերի (Ատրպատական, Վիրք, Աղվանք): Օրինակ, Գուգարքը որպես Մեծ Հայք երկրի անբակտեղի մասերից մեկը թվարկելուց հետո, նրա առանձին գավառների նկարագրության վերջում հեղինակը տալիս է այսպիսի ծանոթություն. «ունին արդ Վիրք հանել ի Հայոց»: Նման ծանոթություններ կան նաև Արցախի, Ուտիքի, Փայտակարանի նկարագրությունների վերջում: Այդպիսի ծանոթությունները 7-րդ մարզականացան դառնում, երբ մինչև Կովկասյան լեռները, ողջ Անտիկովկասում պարսից իշխանությունն էր տարածվում և այդ հողամասում չկային Հայք, Վիրք, Աղվանք, Ատրպատական կամ ուրիշ անկախ պետական միավորներ, կարող էին միայն նշանակել և նշանակել են մի բան, քե Մեծ Հայք երկրամասի այս կամ այն հատվածը պարսից իշխանությունը կցել էր իր Վիրք, Աղվանք կամ Ատրպատական վարչական միավորներին և որ չնայած վարչական սահմանագծերին այդ շուրջ աշխարհները միշտ էլ մնացել են Մեծ Հայք երկրի, այդ աշխարհագրական-էթնիկական հասկացողության անբաժան մասերը: Հենց սա է «Աշխարհացոյց»-ի էությունը, արժեքը և նպատակը: Նրա հեղինակն ասում է՝ ահա Մեծ Հայքը առհասարակ՝ ապագայի հնարավոր հայկական պետության հողամասը և ապա ցոյց է տալիս, թե իր օրոք ինչպիսի վարչական (պարսից) բաժանումների է ենթարկված եղել այդ երկրամասը:

Ավելորդ չէ հիշել նաև այն, որ, օրինակ, Աղվանքի նկարագրության մեջ էլ «Աշխարհացոյց»-ը դարձյալ շատ որոշակի ասում է. «մեք ասասցուք զրուն աշխարհն Աղուանից, որ ընդ մէջս է մեծի գետոյս Կուրայ և Կովկաս լեռինն»: Այսինքն, բուն Աղվանից աշխարհի (ձախակողմյան)<sup>4</sup> և բուն Հայքի սահմանը «Աշխարհացոյց»-ը գրելու ժամանակ համարվել է Կուր գետը: Իսկ Վիրքի նկարագրության մեջ ասված է. «Եւ մինչև զՀայոց սահմանն առ Կուր գետովն»: Այսինքն՝ այստեղ ևս «Աշխարհացոյց»-ի հեղինակը Վիրքի և Հայքի իր ժամանակի սահմանն է համարում Կուր գետը, որ մի ավելորդ անգամ նշում է Մեծ Հայքի հյուսիսային ձիշտ սահմանը և ցոյց տալիս, որ «Աշխարհացոյց»-ի հեղինակը հիշյալ շուրջ փոքր աշխարհները ըմբռնել է որպես բուն Հայքի կամ Մեծ Հայքի անխախտ մասեր:

Այլ բան է, իհարկե, թե «Աշխարհացոյց»-ի հեղինակը ի՞նչ հիմք է ունեցել այդպես նկարագրելու Մեծ Հայք կոչվող երկիրը, գուցե նա սխալվել է, գուցե որևէ հիմք չի ունեցել և ընկ. Երեմյանն էլ գուցե լուրջ հիմք ունի չհամաձայնելու «Աշխարհացոյց»-ի հեղինակի ըմբռնմանը, մերժելու այն, ինչ խոսք, գիտնականն իրավասու է ընդունել կամ մերժել այդ կարգի ըմբռնումները, սխալ համարել դրանք: Բայց պատմական փաստաթուղթը վերականգնելիս պետք է նախ և առաջ հավատարիմ մնալ վերականգնվող փաստաթղթին, շանտեսել նրա անկյունաքարային դրույթները: Իսկ եթե դա ինչ-որ պատճառով չհարավոր չէ, պետք է հրաժարվել նման վերականգնման գործից: Ակադեմիկոս Երեմյանը շատ քարտեզների հեղինակ է, նրանցում այս կամ այն տեղեկությունները նա տվել է այնպես, ինչպես ինքը ձիշտ է համարել: Բայց նույնը նա չպետք է աներ անցյալի մի վավերագրի վերականգնումը համարվող քարտեզի մեջ:

«Աշխարհացոյց»-ի հիշյալ կարևորագույն դրույթի անտեսումը վերակազմված քարտեզում նաև ուրիշ անճշտությունների և հակասությունների պատճառ է դարձել: Օրինակ, այդ քարտեզում Վիրքն ու Աղվանքը ներկայացված են սոսկ 387 թվականից հետո: Հարց է առաջանում, իսկ ինչպիսի՞ք են այդ երկրները ըստ «Աշխարհացոյց»-ի անկախ 387 կամ մի այլ թվականից: Նորակազմ քարտեզը այդ մասին լռում է, կարծես այդ երկրները ըստ «Աշխարհացոյց»-ի 387-ից առաջ չեն էլ եղել: Մինչդեռ «Աշխարհացոյց»-ի մեջ, ինչպես բոլոր նկարագրված երկրները, այնպես էլ Վիրքն ու Աղվանքը նկարագրված են ոչ այսինչ թվականից սկսած և ոչ էլ մինչև այնինչ թվականը:

Հակասական են Ս. Երեմյանի գծած նաև մի շարք այլ սահմաններ: Օրինակ, մուգ նարնջագույն սահմանագիծը (սև կետերով) կոչվում է «338—363 թթ. ընթացքում Մեծ Հայքից անջատված երկրամասերի»: Սակայն այդ սահմանագծերը ներփակված են «Մեծ Հայքի մինչև 387 թվա-

<sup>4</sup> Ուտիքն ու Արցախը, որ կոչվել են նաև աջակողմյան (Փոխ) Աղվանք իրենց զուտ հայկական բնակչությամբ, իբրև Մեծ Հայքի մասեր միշտ էլ տարբերվել են բուն կամ ձախակողմյան Աղվանքից, որի բնակչությունն ունեւ էթնիկական խառը կազմ:



կանը» կոչվող սահմանով: Այսինքն՝ ընկ. Երեմյանը մի կողմից որոշ երկրամասեր (Փայտակարան, Ուտիք) Մեծ Հայքից հանում է «338—363 թթ. ընթացքում», իսկ մյուս կողմից այդ նույն երկրամասերը մինչև 387 թվականը թողնում Մեծ Հայքի մեջ: Այս ակնառու հակասության պատճառը նույնպես «Աշխարհացոյց»-ի վերոհիշյալ կարևորագույն դրույթի անտեսումն է:

Հարց է առաջանում, վերակազմված քարտեզի մեջ պետք է արտացոլվեն «Աշխարհացոյց»-ում եղած այն տեղեկությունները, որոնք ցույց են տալիս, թե այդ երկր գրելու ժամանակ ինչ վարչական ու քաղաքական սահմաններ էին անցնում Մեծ Հայքի վրայով: Բնավ պարտադիր չէր այդ բանն արտացոլել, թեև կարելի էր նաև անել այդ միայն պահպանելով «Աշխարհացոյց»-ի հիմնական դրույթները, նրա ոգին և տառը: Ամենից առաջ անհրաժեշտ էր ճիշտ ներկայացնել Մեծ Հայքի «Աշխարհացոյց»-յան ըմբռնումը: Դրա համար նորակազմ քարտեզում այն սահմանագիծը, որ ներփակում է ըստ «Աշխարհացոյց»-ի Մեծ Հայքը բաղադրող 15 փոքր աշխարհները, պետք է կոչվեր ոչ թե «Մեծ Հայքի մինչև 387 թվականը», այլ սոսկ՝ «Մեծ Հայք ըստ «Աշխարհացոյց»-ի»: Սա կլիներ այն, ինչ իրոք ասում է «Աշխարհացոյց»-ը: Այնուհետև, անհրաժեշտության դեպքում կարելի էր տարբեր սահմանագծերով ցույց տալ օտար իշխողների կողմից 4—7-րդ դարերում Մեծ Հայքի վրայով տարված վարչական և քաղաքական սահմանները, ինչպես, օրինակ, 387 թ. բոլոր բաժանումները, այդ թվում նաև Մեծ Հայքը Պարսկաստանի և Բյուզանդիայի միջև բաժանող ճակատագրական սահմանը և այլն: Թեև նման սահմաններ գծելը բոլորովին պարտադիր չէ:

Կրկնում ենք «Աշխարհացոյց»-ի անկյունաքարային դրույթը, նրա էությունը այն է, որ այնտեղ նրա հեղինակը տալիս է իր ըմբռնմամբ Մեծ Հայք երկրամասը, այսինքն՝ հայ ժողովրդի հինավուրց հայրենիքի հիմնական մասը՝ և ոչ քաղաքական-պետական Հայաստան, որ չկար այն ժամանակ և ոչ էլ պատմա-քաղաքական Հայաստան, որ հակառակ էր ժամանակի գիտության ըմբռնումներին:

Ներկա հոդվածում, թերևս, անհրաժեշտություն չկա հիշատակելու մի շարք պատմական աղբյուրներ, որոնք վկայում են, որ Մեծ Հայքի ամբողջական ըմբռնումը եղել է «Աշխարհացոյց»-ը կազմվելուց շատ առաջ, ինչպես նաև այդ երկր գրվելուց շատ հետո: Եվ միշտ էլ Մեծ Հայքը ըմբռնվել է «Աշխարհացոյց»-ի նշած սահմաններով, 15 աշխարհների ամբողջությամբ, անկախ այն բանից, թե ո՞ր դարերում ո՞ր հզոր պետությունների կողմից ինչպիսի վարչա-քաղաքական բաժանումների է այն ենթարկվել, ինչպես և անկախ այն բանից, թե ո՞ր դարում այդ երկրամասի որ հատվածի վրա է եղել հայկական պետականություն:

Р. А. ИШХАНИЯН

## ДОСАДНАЯ НЕТОЧНОСТЬ В ВАЖНОМ ИЗДАНИИ

### Р е з ю м е

В статье говорится о некоторых историко-географических неточностях, нашедших место на карте академика С. Еремяна (с текстами и пояснением) «Армения по «Ашхарацуйц»-у» (Ереван, 1964).

Карта Еремяна является, по словам самого автора, опытом реконструкции на современной географической основе одной части «Ашхарацуйц»-а (средневековая армянская география), посвященной *Մեծ Հայք* (Великой Армении). Отсюда вытекает главное требование к новосозданной карте: верно отображать положения первоисточника. В статье отмечается, что в некоторых случаях карта Еремяна неверно воспроизводит текст «Ашхарацуйц»-а.

«Ашхарацуйц» был создан после утраты Арменией политической самостоятельности, армянского централизованного государства, т. е. в те времена, когда на все Закавказье распространялось персидское владычество, когда западная часть *Մեծ Հայք* была

5 Ասում ենք հիմնական, քանի որ հնում Հայաստան ասելով բացի Մեծ Հայքից հասկացել են նաև այլ հողամասեր, այդ թվում՝ Փոքր Հայքը: Անհասկանալի է, թե ինչո՞ւ ընկ. Երեմյանը այս հանգամանքը նույնպես անտեսել է «Հայաստանը ըստ «Աշխարհացոյց»-ի» կոչվող քարտեզում: Պետք էր կամ քարտեզի անունը փոխել, կամ էլ տալ ողջ Հայաստանի քարտեզը:

присоединена к Византийской империи, а другая находилась в составе областей персидской империи. Отсюда вытекает, что автор «Ашхарацуйц»-а не мог говорить о современной ему «Великой Армении», как о самостоятельном государстве со своими политическими границами.

*Մեծ Հայք* в «Ашхарацуйц»-е описана как этнико-географическая единица, это как бы основная часть Армении в географическом отношении, по представлениям того времени. Автор «Ашхарацуйц»-а, описывая *Մեծ Հայք*, перечисляет составляющие эту страну 15 областей (малых ашхаров). По «Ашхарацуйц»-у все эти области в то время, т. е. во время создания памятника, являлись неотъемлемыми частями страны «Великой Армении».

С. Еремян же границу, охватывающую эти 15 областей, назвал «Великой Арменией до 387 года», что противоречит духу и букве «Ашхарацуйц»-а, где все эти 15 областей перечисляются как составные части *Մեծ Հայք* того периода. Нет ни слова о том, что четко указанные географические границы страны были таковыми лишь до 387, или до какого-либо другого года.

В «Ашхарацуйц»-е говорится также и о некоторых других частях Армении, которые при персидском владычестве административно или политически находились в составе других персидских владений, но которые по тексту «Ашхарацуйц»-а оставались неотъемлемыми частями этнико-географической единицы *Մեծ Հայք*.

Академик Еремян, к сожалению, не учел эту весьма важную особенность средневекового памятника и на своей карте неверно передал границы страны *Մեծ Հայք*, урезав некоторые ее части.